

# ERLAUT

*es*

*Oschtermusical  
vom Matthias Künzi*

# ***SZENEN***

# ER läbt

es Oschtermusical vom Matthias Künzi

## 1. Szene: Basketball-Spiel zweier Modis

Regie	Licht	Ton	Requisiten
Fränzi und Damaris stellen sich gegen Ende des Instrumentalspiels auf der Bühne auf.....spielen Basket...	Licht von Musiker weg Sucher auf Bühne	Mic für Beide	• Basketball

*sie spielen*

**Fränzi:** (unterbricht das Spiel)

Los emal, i han en Idee! Mir chönnte doch über die Oschtertage no einisch go schyfare.

Z Saas Fee cha me mit der <Metro Alpin> bis uf dreiehalb tuusig Meter ufe. Dört het's no gnue Schnee. Was meinsch? Wärsch derby? (spielt den Ball)

**Damaris:** (während des Spiels)

D Idee isch guet. (unterbricht das Spiel)

Aber üsi Jugendgruppe geit in es Oschterlager uf e Haslibärg. Mir wei d Uferstehig vo Jesus Christus fyre. (spielt den Ball)

**Fränzi:**

Du liebi Zyt! (unterbricht das Spiel)

Dihr wärdet doch nid öppe gloube, dass dä vo de Toten uferstanden isch?

Mir isch er ömel no nid begägned. (spielt den Ball)

**Damaris:**

Mir scho. (unterbricht das Spiel)

Wär mit ihm rächnet, dä merkt, dass Gott immer no ume Wäg isch.

**Fränzi:**

We's Gott würklech gäb, würd's de nid e chly anders usgseh uf dere Wält?

**Damaris:**

We meh Lüt würde uf ihn lose, de gsäch's tatsächlech anders uus i üser Gsellschaft.

Muesch halt ou einisch mitcho. De gsehsch, dass der Gloube öppis Aktuels isch, öppis wo mit em Läbe z tüe het.

**Fränzi:**

Also guet; we dihr no Platz heit i öiem Oschterlager, chumen i gärn mit ...

Aber i singe de keni fromme Lieder .... (spielt den Ball)

Lied: **1. Meinsch du mi?**